

Вишкоптемс антирелигиознай пропагандать

Антирелигиознай пропагандась и агитациясь колхознай велеса, да и нинге ошонга кири пик оцю политический значения.

Эряви азомс видеста, што лама нинге стама сире ломаньда, а синь ваксост аф сатомшка воспитаннай од ломаньдевок, конат нинге верондайхть религиознай всякай предрассудкатненди.

ВКП(б)-нь XVIII-це с'ездть исторический решениязон эса антирелигиознай пропагандати шарффтф оцю мяль. „Цярахманть, пиземть, атямть тиевомаснон колга, вредителень появмать, почвать свойстванзон, удобрениятнен действииснон колга раз'яснениясь—аци антирелигиознай пропагандань фкя инь цебярь методкс“.

Максимум антирелигиознай пропагандати оцю политический значения, Мордовиянь башка районнай СВБ-нь советтне вятихть оцю работа. Вов Краснослободский райсоветсь (председатель Боярова ялгась), 1940-це кизоня йотафтсь велеса пик оцю работа.

Аф кальдывста работай Мамаева велень СВБ-нь организацияське (секретарсь М. П. Алякина ялгась). Тя организациясь лувондови 55 член, конатнен эзда 25 ломанць аци культурмеекс, и синь, тонафнемок аф грамотнайхнен, сяка пингова вятихть вишке тюрема религиознай предрассудкатнен каршес.

Цебярста ладяф антирелигиознай пропагандась и агитациясь Вад.-Селищань колхозсовок (З.-Полянень районца). Тоса СВБ-нь ячейкань секретарькс работай Кичапкин ялгась. Тя организациясь лувондови членда 26 ломань, и синь сембе велеса йотафнихть антирелигиознай темас беседат, максихть кеме отпор всякай религиознай предрассудкатнен и синь кирьдиснон каршес.

Но тьяка пингова эряви азомс, што тя тевса кальдяв участия примоси комсомолсь. Комсомольский башка руководителхнен йоткса эрси вльня тяфтама суждения, што религиять вицц машц и сави ли йотафнемс сонь колганза беседанди пинге. Тяфта корхнесь ВЛКСМ-нь Рузаевкань горкомть секретарец Голованов ялгась.

Владимир Ильич Ленин, корхтамок партийнай пропагандать колга, азозе: „Минь программаньке марнек тиф научвай и, притом, именна материалистический мировоззрениясь. Минь программаньконь раз'ясненияц вакска апац йотак сувафнесь эсь эзонза и религиянь туманть истинна исторический и экономический корянен зон раз'ясненияснонга“.

Тянь эзда няеви, што антирелигиознай пропагандась юкснемс мзярдовок аф эряви. Комсомольский руководящай органу одс кочкаф руководителхненди эряви шарфтомс работань тя участкати инь оцю мяль и васендакиге, улемс СВБ-нь членкс. Вдь киндиге аф секрет, што Саранскийс лувондови 4 тьожатть комсомолец, а синь эздост СВБ-нь членда сембоц аныцек 150 комсомолец.



СНИМКАСА: Литовский ССР-нь Временнай Верховнай Советть Президиумонч членонза. Види ширде омбоцесь (васенце рядса) Литовский ССР-нь Временнай Верховнай Советть Президиумонч председателец Юстас Палецкиссь.

(Фото-клишесь ТАСС-ть).

ЦЕБЯРЬ САТФКСТ

Сентябрь 14—15-це шинзон пингста йотась ВЛКСМ-нь Рыбинский районнай 5-це конференциясь. Рабочай президиумть кочкамда меле, конференциясь бурнай аплодисмент ала кочкась почетнай президиум во главе Сталин ялгать мархта ВКП(б)-нь ЦК-ть Политбюронц.

ВЛКСМ-нь райкомть отчетнай пингонь работанц колга докладть тиезе райкомонь секретарсь Офтин ялгась. Сон эсь отчетнай докладсонза подробнайста охарактеризовандазе районнай комсомольский организациять работанц.

Райононь комсомольский организациятне,—корхтай Офтин ялгась,—неуклоннайста пшкотькшнемом ВКП(б)-ть XVIII-це с'ездонц решениязон, тийсть аф кржа велень хозяйствань, оборонань и лия работань областтнен эса. Тундань видемасть пингста паксяса работась 300-шка комсомолец, сембе синь няфнесь трулонь замечательнай образецт. Комсомолецне аф кальдывста работась сьора урядамань тевсовок. Украина велень первичнай комсомольский организациянь 18 комсомолецт эзда 15 комсомолецт примосесь участия сьора урядамаса. Комсомолецне, кода: Горячкина А. А., Кечина Дарьясь, Кобанов и лия ялгатне сьора урядамаса выработкань норматнен пшкотькшнесь 200—250 процентс.

ОТЧЕТНО-ВЫБОРНАЙ СОБРАНИЯСТА

Сентябрь 10-це шистонза Ежкань колхознай комсомольский организациясь йотась отчетно-выборнай собрания. Организациять инголдень секретаренц А. Е. Козеевть отчетстонза няевсь, што сон комсомолецнен и од ломаттнен йоткса работась кальдявста. Комсомольский организациять сон аш эзе мобилизовандакшне ВКП(б)-ть XVIII-це с'ездонц и ВЛКСМ-ть XI пленумонц решенияснон пшкотькшнемом. Нльне собраниятка йотафнесь аныцек случайста случайс. Башка комсомолецненди порученият максесь пик шуроста, йофси ашезень проверякшне, кода синь йотафнесь эсь тевснон

Аф кальдяв результатт районнай комсомольский организациясь сатсь обороннай тевсовок. Кепотьксонди, 1940 кизоня комсомолецнен йоткса аноклаф 101 ПВХО-нь значкист, 85—ВС-нь, 140—ГТО-нь и 167—ГСО-нь значкист. Сави азомс, што ВЛКСМ-нь райкомть работаса улихть лама аф сатыкстка.

ВЛКСМ-нь райкомсь пик кржа шарфнесь мяльда комсомолецнен идеино-политический уровеньнон касфтомаснон шири. Мезень сюнеда 935 комсомолецт эзда „ВКП(б)-ть историянц Краткай курсонц“ тонафнесазь аныцек 150 комсомолец.

СССР-нь Верховнай Советть Президиумонц июнь 26-це шинь Указонц промышленностьса и учреждениятнен эсатись од под'ем. Однак, эряви азомс, што райононь кой-кона учреждениятнен эса улихть трудовой дисциплинань нарушандама фактт. Тяфтама случайда Рыбинский МТС-са ульсь 10, тьяконь лувксса улихть комсомолецтка.

Лувомок сембе аф сатыкшенень, конференциясь примась решеният, конат направленихть синь машфтомаснонды.

Конференциясь закрытай (тайнай) голосованиясь кочкась райкомонь од пленум.

С. А. Мирошкин.

Саранск ошень комсомолонь конференцияста

Сентябрь 19-це шистонза 7 частса илять панжевсь Саранск ошень 7-це конференциясь.

Рабочай президиумонь кочкамда меле кайги аплодисментонь ала кочкасть почетнай президиум: Сталин, Ворошилов, Молотов, Калинин, Микоян, Каганович, Хрущев, Берия, Шверник, Маленков ялгатнен.

Тяда меле кочкасть мандатнай комиссия, тоса конференциясь примась тяфтама шинь повестка:

1. Комсомолонь горкомть работанц колга отчет.
2. Городской комитетонь кочкамась.
3. Областной конференциянь делегатонь кочкамась.

Комсомолонь горкомть работанц колга тись доклад горкомть секретарец Потемкин ялгась. Корхтамок Саранский комсомольский организациять работанц колга, сон азозе, што Саранскийса комсомолецне вооруженихть партиянь XVIII-це с'ездть решениязон мархта, кемокстась политически и кассь организационна. Комсомолецне активнайста участвовандайхть государственнай мероприятияса. 500 комсомолец работай агитаторкс. 16 комсомолец горсоветонь депутат, 150 лама комсомолец выдвинутайхть руководящай работас. Комсомольсь няфни цебярь образецт производственной работасовок. Кепотьксонди, консервной комбинатса комсомолецнен эзда 50 проц. стахановецт. Дементьева, Николаева, Кудрявцева и лият вельф пшкотькшнесазь эсь нормаснон. Хлебокомбинатса 27 комсомолецт эзда 10 стахановецт. Тяса цебярста ладяф соцсоревнованиясь. Но аф сембе комсомолецне лац тонафнесазь „ВКП(б)-ть историянц Краткай курсонц“.

СССР-нь Верховнай Советть Президиумонц июнь 26 шинь указонц Саранск ошень комсомолецне васьфтезь честнай трудса. Кепотьксонди, хлебокомбинатса комсомолецне нормаснон пшкотькшнесазь 140 и сяда лама процентс. Но позор комсомольский организацият ся, што сонь рядонзон эса ульсь 40 прогульщик. Тя лисендсь сяс, мес производстватнен эса кальдявста азонтфоль тя указсь, и сяс мес кальдявста работась культурно-массовой тевть коряс комиссиясь.

Школать работанц цебяргофтомаса активнай участия примоси комсомольсь. Школатнен эса ламода кассь успеваемость. ВЛКСМ-нь ЦК-ть 10-це пленумонц постановлениязонза меле, кепотьксонди, успеваемость 13-це № школы кассь 94,6 процентс. Цебярь показателхть няфнихть учительницатне Дробова, Лаптева и лия ялгатне.

Отчетнай докладта меле ушедсть принятиятне.

С. Самошкин.

И. Козеев.

Ковыдкинский район.

ЯКСТЕРЬ АРМИЯТЬ И ВОЕННО-МОРСКОЙ ФЛОТТЬ РЯДСНОНДЫ

Советский од патриотне гордостьса и радостьса эсь лангозост примсесаь краснофлотецонь и красноармеецонь лемть. Лама вастова боевой пополнениясь сась ни частьтнени.

Армияв замечательнай пополнения кучсхть Сталинский областень трудящихне. Призывникнень йоткса Лев Гордонць. Сон отказась льготать эзда, конац максфоль тейнза семьянь обстоятельствоас коря.

— Моны старшай брадозе Яшкась тонафни военной академияса, — корхтай Гордон ялгась, — омбоце брадозе Семенць — морской училища. Мон аф йоран илядомс эсь браньнь эзда. Эняльдяи примамс монь Якстерь Армиять рядонзонды.

Волновахаса НКВД-нь войска-венди зачисленай Шевченкать лемса артелен колхозниксь Дмитрий Поддубный комсомолецсь. Поддубнайхнен семьята тя Якстерь Армиянь нилеце воинць.

(ТАСС).

ВАСЕДЕМА

Исяк, сентябрь 20-це шистонза, Саранск ошень призывной пунктса васедсть призывникнень мархта мордовский писательхне.

Призывникне оцю мяльса кулхондозь орденоносецть Фекла Игнатьевна Беззубоват "Орелхт-Соколхт" сказонц, конань сон тейст моразе. Рогожин поэтсь, эсь стихотворениядонза башка, рузонь кяльса морафтозе Ф. И. Беззубоват сказонц "Паравал трудовой народт", конань талантливый сказительницась лемдесе эсь 60 кизонь топодеманцты.

Призывникнень инголе тяфта жа выступили од ломанень стихотворенияснон мархта поэтне Дурнов, Чекашкин и Радин.

Сембе мораф и декламировандаф произведенияне азозь будущей боецнень мяльснон, эсь народснонды, родинаснонды нефтема кельгомаснон.

Призывникне и писательхне фкя-фкянь эзда илядсть пяк довольнайста.

Ладямс трудовой дисциплинать

Патякш велень "Пример" колхозсь Краснослободский районца лувондови фкя инь фталу иляды колхозкс сембе хозяйственно-политический кампаниятнень эряфс йотафтомаса. Колхозникнень йоткса аф вятев кодамовок культурно-массовой работа, кинь мзярда мялец, свярда и лиси работама. Илякс мярьгомс трудовой дисциплинась колхозса ковга аф кондисти.

Тяконь мархта эряви азомс, што "Пример" колхозса ули комсомольский организация, улихть учительхть, конат колхозть общественно-политический эряфсонза аф примосихть кодамовок участия.

Комсомолецнени эсь аф сатыкс-сна эряви лувомс. Вдь эряви шарьхкодемс, кда колхозсь иляткишни фталу, то тя значит комсомольский организацияське иляткишни. Комсомольский организацияськанды стама жа ответственностьсембе хозяйственно-политический мероприятиятнень инкса, кода и колхозонь правлениясь и велень советонь исполкомсь.

Д. Пиксайкин.



Калмыцкий народный эпос "Джангарт" 500 кизонц праздновандамац. СНИМКАСА: (кяржи ширде вили шири) ксно-спортивный соревнованиянь участницатне, комсомолкатне — Н. Цагаманджиевас, Т. Санджиевас и Б. Лиджиевас. Фотось Я. Кузнецовть (ТАСС-ть фото-клишец).

ШКОЛЬНАЙ ЭРЯФТЬ ЭЗДА ШИРЕСОЛХТЬ

Сире-Синдровский средняй школань комсомольский организацияса сембоц комсомолецта лувондови 94 ломань. Кода вяеви вийсь аф йомла. Но сембе бедась сянь эса, што тя вийсь во главе ингольден комитетть мархта школьной эряфть эзда ульсь аертф. Тя вятсь комсомолецнень йоткса дисциплинать лафчептоманцты, успеваемость и посещаемость кирьфтаманцты. Например, 1939—1940 кизоня комсомолецнень абсолют-

най успеваемостьсна ульсь ани-чек 54 процент.

Ингольден комитетть работаса работань калдяв кепотькста аф кржаль, конат отчетно-выборнай собранияса таргафтольхть большевистский критикать алу.

Отчетно-выборнай собраниясь закрытай (тайнай) голосованиясь кочкась од комитет, конань составс кочкафт инь активной комсомолецне, тонафнемаса отличникне.

П. Тултаев.

СЕКРЕТАРЬКС КОЧКАФТ ИНЬ ЦЕБЯРЬ КОМСОМОЛЕЦНЕ

Сире-Драка велеса кафта перичнай комсомольский организацият: колхознай и школьной.

Аф кунара кафцьке организациатнень эса йотаффт отчетно-выборнай собраният, конат йотасть работань резкай критикать ала.

Школьной комсомольский организациати тайнай голосованиясь

секретарькс единогласна кочкафт 10-це классонь ученикс, тонафнемаса отличниксь Н. Кулагин ялгась, а колхозайти секретарькс кочкафт активнай общественниксь и цебярь производственниксь И. Дорогов ялгась.

Я. Пинясов.

Ковылкинань район.

РАБОТАСЬ ЦЕБЯРЬГОТКШНИ

М.-Козловка велень средняй школань комсомолецне комитету кочказь инь лучшей, работоспособнай комсомолецнень, а секретарькс кочказь 10-це классонь ученикть А. К. Федоров ялгать. Комсомолонь од комитетсь отчетно-выборнай собранияда меле эс-такиге пяк оцю вийса кярьмодсь школань ученикнень йоткса массово-политический работать сембе ширде цебярьгофтоманцты.

Тяни школань сембе ученикнень мяльсна шарффт комсомольский организациять шири, синь эздост лучшейне сувихть комсомолу. Например, выборда меле 4 шитнень пингста ученикнень эзда комсомолу сувамать колга комитету поступадасть ни 6 заявления.

Е. Голосницкий.

Атюрьевань район.

АШ ПИОНЕРВОЖАТАЙ

Сире-Маманя велень начальнай школаса тачимс аш пионервожатай. Мелямба пионервожатайкс школаса ульсь Якушкин ялгась, кона вятсь пионерхнен школьникнень йоткса оцю работа.

Комсомольский организациясь аф арьси, штоба петемс тя аф сатыксть, и пионерхне тянь сюнеда аф вятихть кодамовок самодеятельнай и кружковой работа. Пио-

нерхнен ули оцю мяльсна тонафнемс военной тевть, но работамс аш кинь мархта и костонга аш практический лезкс.

Рыбкинань ВЛКСМ-нь райкомти тя тевса сяда курок эряви лездомс и вишкотеми пионерхнен йоткса кружковой работать.

С. Ачапкин.

Рыбкинань район.

САДСЬ ЮКСТАФ

Садсь ламода кепсесы колхознай трудошить питненц. Тянь лац содасазь Барановка велень "Пролетарий" колхозть руководителенза. Синь нинге йотай кизотнень колхозу озафнесть эфтерь сяшка сад, коса лувондовсь авецек марьяла 300 корянь. Замечательнай тевсь! Сон мусь кели одобрения сембе колхозникнень ширде. Но мекольден кизотнень садть юкстазь, сонь аш мельганза кодамо-

вок уход. Тянь сюнеда 300 марлюнать эзда 100-сь имась, коськсть и синьнез жувататне, конат якайхть садть пачканза.

Колхознай правленияти эряви цебярьгофтомс садть мельге уходть, шувфтомс марьялфнень перьфсна, вадендемс синь сёвоньца или известьса и обязательна перямс сонь.

Г. Татаров.

Атюрьевский район.

Англо-германский войнась

Сентябрь 19-це шистонза веть Лондонть лангс йордафтольхть стака калибрань бомбат. Кода пачфни куля Рейтер агентствась, Лондонть лама районзон эса тифт разрушеният. Срафтф лама куд. Зажигательнай бомбатне тисть лама пожархт. Предварительнай даннайхнен коряс, тя вения шавф 90 и стакаста ранендаф 350 ломань.

Лондонть эзда сяда ширеса германский авиациясь няфнесь сяда аф оцю активность.

Сентябрь 18—19-це шинзон пингста английский военно-воздушнай вийхне мекольден кафта неделятнень коряс тиендсть вень сяда оцю валетт, конатнени целькс ульсь ся, штоба парализовандамс немецнень мероприятияснон Англияв вторженияти анокла-маснон коряс. Вишкста бомбардировандафт портне, докне, судане, баржатне и береговой артиллериять позициянза, конат ашихть Ла-Маншь французский, бельгийский и голландский побережьянзон эса.

Юнайтед Пресс американский агентствать корреспондентонц валонзон коряс, германский авиациять вень налетонза Лондонти тисть оцю ущерб и кандсть оцю страданият, но пцтай ашесть тий мезеньге калдяв деятельности, конац сотф странать оборонанц мархта.

Германский информационный бюроть сообщениянц коряс, августть эзда английский авиациясь имафтсь 1.354 самолет, сентябрь васенце неделянц пингста—481 самолет, омбоце неделянц пингста—261 самолет.

(ТАСС).

"КОЛХОЗОНЬ ЭРЯФТЬ" 8-це НОМЕРОЦ

Лиссь печатьста мокшень литературно-художественнай и общественно-политический "Колхозонь эряф" журналть 8-це номероц.

Номерса печатлаф "Народнай Комиссаронь Советь Председателенц и Иностраннай Тевонь Народнай Комиссарт В. М. Молотов ялгать Советский Союзть внешний политиканц колга доклад, конац тиф СССР-нь Верховнай Советь 7 Сессиянц 1940 кизонь августть 1-це шистонь заседаниясонза.

Поэзиянь разделса: чувашский литературать основоположниконц Константин Ивановть "Нарспи" поэмастонза отрывок, конанц мокшекс этафтозе Ф. Дурнов; Мих. Безбородовть стихса сёрматф "Волянка" повестенц омбоце пяльксоц (Тя повестсь инголи лисенчнесь "Колма пингть или колма морот" лемса и оюода кирфаста и тапаряфста. Тяни "Колхозонь эряфса", 7-це и тя 8-це номерхнен эса макссеси сон поэтть рукописензон коряс восстановленнайста). Оригинальная од стихнень эзда печатлафт Ф. Дурновть, А. Малькинть, Н. Лушкинть стихсна.

Прозань разделса: М. Кяшкинть "Апак учсек" рассказон; Максим Горькайт мокшекс этаффт "Мордовка" рассказон (переводсь М. Бебанть).

Фольклорт эзда печатлафт мокшень народнай морхт.

Ответ. редакторть инкса Дм. РОДИН.